





客譚序

客譚。譚古今得失也。王長史之令
音。孔公緒之吹枯也。裴叔綽之琴
瑟。張九齡之下坂走丸也。拾此以
資唾。當落地皆成花矣。客從而聽
之。曰。如謂聞其以不道誅。未聞以

道化人佛將藏入蠶繭乎如謂可
同歿不能同爲仙世無有骨神仙
乎如謂讀之者解奚以爲秘太乙
藜其無色乎如謂山水向人鋪說
無異好聲美色指畫形勢者其猶
有蓬心乎如謂畫龍可飛則畫人

可○生○水○晶○屏○上○美○人○不○悉○下○通○名○
乎○如○謂○以○清○爲○苦○斯○寡○廉○矣○冰○蘖○
聲○不○得○爲○清○白○吏○乎○如○謂○耽○咏○遣○
愁○無○憂○溝○壑○非○無○聊○遣○貧○之○方○乎○
如○謂○太○玄○能○易○是○亦○伏○几○襲○裳○而○
字○仲○尼○一○畫○之○外○不○皆○擬○乎○大○謂○

使有是草則唐虞無事相儆以兩
朝而委之一草乎如謂難于止酒
易于爲盜其爲畢吏部作憲乎如
謂晉之士而賢也則何必痛心于
靈漢靈之無道竹林人可挽乎譚
何容易誠再聽之聽之復如裴僕

射譚名理。混混有雅致也。張茂先
論史。靡靡可聽也。乃知敬以莊。則
言于朝廷。文而序。則言于祭祀。并
氣折聲。則言于軍旅。言于客。自應
爾。爾也。所以爲客譚也。

仙臞何偉然題

卷之四

三

廣快書卷十一

西湖何偉然仙臞纂

延陵吳從先寧野定

千一錄客談

選方弘靜本

王方平語麻姑云。姑故年少。吾了不復爲此。狡
獪也。已不能忘。狡獪伎倆。而以真實望人。不已。
拂乎。

張子房之爲韓。諸葛孔明之爲漢。一也。子房已

滅項而孔明未能動魏。其勢不同也。漢猶存正統而韓無可輔。其時不同也。赤松之託出師之表。其主不同也。三代之士。百世之師。毋輕議哉。諸葛孔明好爲梁父吟。蓋古有是調也。二桃三士之句。未必爲孔明所作。註者又謂三士以擬孔融。楊修。禰衡。穿鑿甚矣。操所害天下士亦多矣。豈獨三人哉。計孔明南陽抱膝時。正平或未死也。註家每如此。使祖龍見而火之。詎爲過。因

憶李白詩一忝青雲客。三登黃鶴樓。少時見一
先輩談及李白詩曰。近浙中有註李詩者。頗詳。
且刻本甚佳。書正在案上。余偶閱之。一忝改爲
一黍。註引殺鷄爲黍。余請正于先輩曰。此句黍
字頗明。別本多不誤。而以爲黍。又從而註之何
耶。先輩云。彼或有據。余不敢對。唯唯而退。

僊戒淫殺。薄滋味。而王方平與麻姑各出行厨
金盤玉盃。無限美膳。又擗麟脯行之。何爲者耶。

妄道士夸誕云爾。而儒者據信傳之。以滋惑後人。可罪也。

蘭亭序。天朗氣清。評者謂似秋景。非也。夫春游美矣。又兼清明。故爲佳也。若秋時。則此語不必敘矣。

徐吏部不受右軍筆法。而體裁似之。得其皮膚也。顏大保受右軍筆法。而點畫不似。得其心肺也。此可以論文。

考工記之文奇鈔矣。必曰退之俯首閤筆。退之可輕視若此哉。古文之復。實自北地。而諛于鱗者。乃曰北地生遽敢比乎。乃稍稍知之耳。後生于先輩可出此浮薄語哉。此退之所以有蚍蜉之嘆也。

有人於此。舍其文軒。而願鄰之敝輿。舍其錦繡。而願鄰之短褐。舍其梁肉。而願鄰之糟糠。則謂之愚惑人矣。今之儒者。舍六經而改異端。自名

爲奇惑耶。愚耶。

佛所按地。爲寶莊嚴土。卽費長房所見壺中境也。噴火吞刀。數里之霧。咫尺山河。妖人往往能之。聞其以不道誅矣。未聞其以道化人也。

文士諛墓中人。昌黎不免。姚崇之料張說。從來已然。今甚至以潤筆未厚。以生平有未愜意。而隱語含刺。則薄又甚矣。必也稱其善而不溢。其庶乎。

夷齊耻食周粟。義不仕耳。猶云不志于穀也。士
固有窮餓時。採薇而食之。理之所有也。天生五
穀以養人。粟之不食何居。好事者因又曰夷齊
斃。淑媛之言。謂薇亦周之草木也。此負石沉河
之談也。奚足信哉。

漢武宮人麗娟。帝嘗以衣帶繫其袂。閉重幙之
中。恐其隨風而去。麗娟以琥珀爲佩。置衣裾裏。
不使人知。云骨節自鳴。成帝令侍郎馮元方持

準放之四海而準。則無佛矣。異哉二子。乃以妻與肉之爲累也。

上下山水。穿幽透深。拾其勝會。向人鋪說。無異好聲美色。余謂水心之文鄙矣。山水聲色。仙凡之界也。胡可相較。其猶有蓬之心也夫。

無可奈何花落去。似曾相識燕歸來。真的對也。一窮年不得。一矢口而應。乃其遇合有默定者耶。昔人云覓句如掘得玉合子。底必有益。在精

思之耳。信然。

王世裕夢人剖其腹。引西江水洗其腸胃。余謂人心之靈大矣。神爲洗之。將何所不詣。而僅僅西江籍耶。劉勰之夢仲尼。蓋以重其雕龍。雕龍小技。惡足致先聖見夢哉。余未之信也。

林鳥以朝嘲。水鳥以夜咬。陰陽之化。生物未有外者。

壁魚入道徑函中。食神仙字。則身有五色。人得

而吞之。可致神仙。此妄道士欺誕語也。夫人有
仙才者。一言可以悟道。苟其不悟。則終日伊吾
何益。而蠹蟲乃以食字而仙乎。陋儒知守訓詁
而無所自得。壁魚之喻。乃非虛矣。

退之平淮西碑。從唐事起。正合雅頌體耳。子厚
以爲冒子非也。潘安仁代贈陸士衡。乃從伏羲
起。則冒子矣。

志異者。所謂非時之果。不足異也。今人藏果至

隔年者常事耳。安期之棗如瓜。王母之桃如甕。可得而見乎。左慈之魚。初平之羊。幻者往往能之。非神也。韓湘頃刻之花。則誑也。湘蓋退之沒。後登第。未嘗離其叔而仙。安得花中有藍關之句也耶。

張僧繇畫龍點睛飛去。此理之必不然者也。畫龍可飛。則畫人可生矣。徐景山畫鱷而致獺。未聞畫獺爲獺也。葉公好龍而龍下之。未聞似龍

有爲真龍者也。曹再興落筆成蠅。吳生疑其真而彈之。未聞彈之而去也。昔有畫牛者。晝在欄外。夜在欄內。非僧知海外異經志之。則將曰牛自能出入矣。桓玄竊畫。顧愷之畏不敢言。直云妙畫通靈。變化而去。此僧繚之龍歟。雷霆破壁。壁與畫壞。不則或竊之。若蕭齋之類。蓋有之矣。孔子曰。辭達而已矣。文吾猶人也。老子之文。猶有意于奇。莊子則馳騁矣。荀子則藻繪矣。楊子

則彫篆矣。孟子之文。猶風之行水。不作意爲奇。是以過諸子也。民有饑餓之色。而工以雕文刻鏤相穉。民有凍寒之傷。而女以錦繡綦祖相穉。此管子之所謂逆也。其治國之端可知矣。今之長民者。曾念及此乎。禁侈之令。懸于象魏。而踰度之貨。陳于街衢。晁衣裳而過者。若罔見也。蓋曰簿書非所急。殿最非所與。俗已成矣。何硜硜迂論爲。故不營營。則泄泄。營營則謀其私也。泄

泄則不恤其公也。管子而非愚人也。則可不寒心哉。

徐節孝避父諱。不踐石。令人負之過橋。此負者又可令踐耶。雖曰不要名。吾不信也。父名仁子將不得爲人。昌黎之辨確矣。而時不謂然。惑亦甚哉。

三都二京。詞人之作。無關理訓也。何謂五經鼓吹耶。其視神女洛神。爲愈乎爾。

韓信得食于漂母而報之千金。此烈士之爲也。
劉真長以歌嘯悅老嫗而飽其豚。已足羞矣。及
爲吏部郎。超用其兒。是以官市豚也。惡乎可。其
免于官邪之罰幸矣。而目之曰賢哉。

韓賣美人。以其金事秦。說者曰。賣美人不如止
淫用也。夫止淫用要矣。能止淫用者必恭儉之。
君君能恭儉者。必能自強。秦可以無事。奚至賣
美人哉。且金安可以親秦。秦之欲非止于金也。

吾○甚○悲○夫○後○韓○者○之○不○知○鑒○而○以○歲○幣○亾○也○

甚○哉○梁○武○之○愚○也○犧○牲○可○麪○乎○是○欺○祖○也○捨○身○

而○贖○佛○以○貨○取○乎○是○欺○佛○也○纂○其○國○捨○其○身○是○

欺○天○也○三○欺○者○胡○可○以○爲○君○吾○聞○仁○人○驅○猛○獸○

而○暴○汙○則○禽○獸○至○若○果○不○殺○也○是○率○獸○而○食○人○

也○其○餓○死○則○不○血○食○之○孽○也○臺○城○非○寺○中○其○可○

贖○乎○若○武○者○可○以○垂○戒○百○世○矣○而○猶○有○以○梁○王○

饑○欺○愚○人○者○

余嘗擬鑄金使民知神姦。曷若刻木而布之之
易也。豈神物亦自厭其狀不欲露。聖人知其情。
故鑄之于鼎而不懸之象魏耶。溫嶠牛渚犀照
之事非誣歟。孔子所以不語也。曰敬而遠之。
司馬相如之賦。漢武恨不與之同時。及狗監薦
之。則不用也。漢武英主也。其文雖工。其行無取。
其材不足以經世也。而世悲其不遇。過矣。楊子
云。壯夫不爲其見道之言與。

孟嘗君之好客。客真鷄鳴狗盜者耳。身死而諸子爭立。滅無後。彼三千餘人。曾有善畫。可以託六尺之孤者乎。何其亾之速也。其所好者。無亦葉公之龍也。

事有不可以示人者。堯母名門。而思子之臺起矣。事有不可以示人者。雍齒封而沙上之謀息矣。禍之生有胎也。絕其胎。禍何自來哉。事以豫立。以密成。不豫不密。而示人以疑。禍之本也。

晉之和戎也。制和者晉也。其和也利有五。害無一焉。魏子其善謀矣。而悼公能志善。奚爲而不霸六國之和秦。制和者秦也。秦以和愚六國。而六國自撤其藩。以入于秦。宋之和金。制和者金也。金以和愚宋。而宋自折其棟。以厭于金。其和也利無一焉。而不勝其害。安得不亾。語曰。前事不忘。後事之師。可以鑒矣。

魯施伯知管子所在。國必霸。鄭叔詹知晉公子

必得國智矣。而其請殺之則不足稱也。夫管子天下才也。知之矣。而不能爲天下惜之乎。何其不仁也。齊惟無桓公耳。桓公而有霸心焉。其無佐之者乎。夫管子猶能親魯齊之霸。未爲魯憂也。而何以欲其死。霸者桓公爲盛。其優于晉文哉。文之霸而詹也。幾不免于亨矣。遠哉楚子之度。何其近于王也。我之不修。是懼修我而已焉。用殺。天所胙者冀州之土。其無令君乎。由此言。

也。范增之疽何宜以沛公發哉。豎子固不足與謀。雖微沛公。終于敗耳。增之以疽死。恨其從之不擇也。去之不早也。可也。

今夫儒服而賊夫儒者有三。一曰畔儒。樹二氏之幟。以簧鼓喜名。矜異之士。謂其道玄妙無上。而孔孟之言。特詳于下學云耳。此白晝大都操戈入室而無復忌彈者也。一曰間儒。以先聖之道。不可易也。二氏之說。不可勝也。合而一之。姑

以惑世。使學者無深拒焉。而且駸駸入于其中。而不覺。此策士所謂辭卑而進爲二氏間者也。一曰竊儒。陽講孔孟之學。而陰宗二氏之旨。指之曰禪。則深避其名。而厭然掩之。其徒從而推之曰。此聖學正脉也。二氏之道。去聖學非遠也。所異者幾希之間耳。此以詩禮發冢。行之暮夜。而憎東方之明者也。斯三者。其說盈于天下矣。春秋之作。非惡夷也。惡夏而夷者也。孔子曰。政

乎異端斯害也已。異端之害猶可言也。儒而異異而儒其害何可言也。

今稱人清苦。清有苦乎。伯夷何怨。原憲非憊。顏子屢空。不改其樂。未聞苦也。惟以清爲苦。斯寡廉矣。志士所以不忘溝壑也。

今之君子何其好爲異論也。雲長之敗。謂孔明以計殺之。又謂岳武穆主戰。而其後不昌。檜主和而秦氏貴盛。是何言也。檜無子。史載之矣。今

之秦肯以檜爲祖乎。

章介菴袞云。每思世間一種奇絕人物。其器大。其識遠。其所任者天下之重。平居退讓。茹納不自標揭。不以小小順逆爲喜愠。真若朴學無用。及事會在前。河翻嶽立。莫之禦也。旨哉斯言。士當如是矣。

司馬子長之敘事。百世如目前。非獨其詞美也。其所錄近實也。諸子所載。多不情。使人掩卷而

不信。今之操筆者。則益甚矣。幸其詞游。識者知其誣。未可以欺後世耳。說苑齊景公聞晏子卒。急于赴哭。以車爲遲。下而趨。知不如車之速。則又乘。比至于國。四下趨矣。此可信者乎。國君也。而若市人。諸子之言不情。此類多矣。然記者欲明景公之好賢。其心則然也。不若今之爲鬼爲蜮。有無無有。何以觀之。憤世者。乃思祖龍之火矣。

太白好談仙。仙固有嗜酒者。何其綣綣于色也。飛龍引詠黃帝之上太清也。當時佐命元臣。舉無所與。而短章數語。惟曰宮中采女。顏如花。曰後宮嬋娟多花顏。曰長雲河車載玉女。鑾車遨遊樂不可言者。惟此之從而已。雲臺歌與天語者。麻姑搔背。玉女灑掃。侮玩若此。恐方平鞭不易得焉。得仙太白持才侮世。乃無不侮也。非真能好仙者也。

漢武之多慾。猶云棄妻子如敝屣。太白孜孜慕
仙。拙妻好乘鸞。嬌女愛飛鶴。乃欲舉家俱仙。仙
可易求若此乎。過屠門而大嚼。貴且快意耳。
孔子之好古也。而云刪詩書。書刪矣。而孟子猶
不盡信也。李斯也。胡不刪之。而遂焚之。宜其具
五刑也。若刪其不可信者。存其可信者。誰則非
之。今之書。何可不刪也。

孔子沐浴請討。未嘗出師。孔明前後出師。不必

平魏仁人者。正其誼而已矣。

春秋戰國之世。殺人盈野。人亦輕其死。易牙殺子。吳起殺妻。吳人殺子以爲釣。侯生自刎以送信陵。視之若草芥耳。聖人傷之。雖仲由之結纓。猶曰不得其死。蓋重之矣。秦之無道。君子去之。惟恐不亟。乃以諫死者二十七人。而茅生以成其名。要之不足取也。比干伯夷之死。孔子稱之曰仁。由也不知其仁也。聖人之意可見也。故曰。

可以死。可以無死。夫可以死。則爲成仁。可以無死。則爲傷勇。苟生。苟死。君子不由也。

曹王之作。近十九首。非擬也。士衡擬之而去。頗達鍾叅軍一字千金之評。殆溢美矣。氣少于公幹。文劣于仲宣。斯爲知言。

王荆公以杜詩後來莫繼信矣。若子美第一。太白第四。無乃太遠。子美憐君如弟兄之句。正可爲二家詩評耳。或謂杜稱李太過。反爲所誚。不

然也。斗酒百篇。遺逸多矣。韓退之時。已有泰山豪芒之慨。當時相贈答者。可盡見耶。太白雖天僊之才。豈無心人。黃鶴樓推崔顥。不啻已出。乃輕子美耶。或又以杜比李。于庾鮑爲輕之。又不然也。庾鮑豈可易者耶。文人齊名。如李杜之相得者。足爲古今美談。後人乃以浮薄意妄測前賢耳。

七夕牛女。人知其妄。而詞人詠之。不能忘奇耳。

蒼梧王乃使楊玉候之不得。懼死而弑。癡人說夢爲害至此。

晉宋之際。貴道家之言。吟諷滿紙。不出五千文耳。鍾叅軍云。殆無詩乎。詎不然哉。仲偉梁人也。齊梁以後。華綺之可厭。甚于清虛。非特平上去入爲傷真美而已。而沈休文謂靈均以來。此秘未覩。王元長謂自古詞人不知之。言之不忤。古人往矣。來者可誣耶。

王子晉年十七天。淮南王以畔死。史載之甚明。而世以爲僞。老子死。秦矢弔之。乃云不知所終。卽不知所終。必有終也。遽可以爲不死耶。

詞人大言。自東方生以來。世不爲怪。然亦勿令人洗耳也。氣揮屈賈壘。目短曹劉牆。欲賈其勇而窺其好可道者也。若掃梁園之羣英。枚馬輩可易掃者哉。王逸少張伯英以爲浪得名。今又千餘載孰齊之者。

士不至饑餓不能出門戶。不宜言貧。杜子美囊
惟一錢。食栢拾橡。窮甚矣。及卜成都草堂。有高
下亭臺。酒有舊醅。鵝鴨長數。茗飲蔗漿。水檻扁
舟。色色畧具。亦足以耽詠遣愁。無憂溝壑也。

危亂之世。非無義士也。吾于春秋得一人焉。趙
襄子。舍子而立兄之孫。是太伯之德也。楚漢之
際。得一人焉。周市。不肯爲王。五反而立。魏後。是
伯夷之義也。趙襄彰矣。世鮮知市。夫士可以成

敗論哉。

淮陰語蒯通曰。觀子與諸郎談論。如駑駘駕車。使驕驕開路。非容易追逐也。使人心服。夫蒯生豈非天下士哉。而三分中立之策。不忍聽之。淮陰可謂無負矣。奈何良弓不藏。而與狡兔同盡也。子房之智。非過于鴟夷。漢高之猜。猶愈于勾踐。是以赤松可與遊。而五湖所必汎也。

自黃帝蚩尤以來。戰之大者。其楚漢之際乎。漢

之入關何易也。羽勅敵也。三傑輔之。羣策羣力。屈焉。乃克有濟。光武則事半而功倍。銅馬赤眉。么麼之輩。非敵也。然猶艱危幾殆者屢矣。曹瞞取天下于羣雄。非取之于漢也。猶可言也。若司馬氏則穿窬竊鉤者耳。吳蜀昏昧。覆亾自宜。奚足揚武。嗣宗廣武之嘆。意或在是也。赤帝旣天。授魏武亦非豎子。阮公雖放言。豈憤憤者乎。嶺外峰多奇。如劍如戟。參差連亘。京華名園假。

山彷彿之。以爲勝賞。而子厚乃云海外尖山似劍鏐。秋來處處割愁腸。則此邦盡爲鬼門可畏也哉。苟能以名園假山觀之日。在畫圖中。邀世無悶矣。何爲以身殉之。自使重傷乎。

古之風人不能無怨。而聖人曰可以怨。謂其怨而不至于懟也。雖跼天蹐地。猶不失溫厚之度焉。柳子之辭曰。貪愚皆貴。險狠皆老。謂弔宜賀。謂天反榮。人之君子。天必厄之。人之小人。天必

祐之。怨且尤已甚矣。其何以免。

孔子曰。晏子賢大夫也。又稱其善與人交。而記乃云。景公欲封孔子。晏子沮。余以爲必無其事也。是時齊將爲陳氏矣。晏子固憂之。而曰。惟禮可以已之。孔子用則禮以爲國。而公室張矣。此陳氏所不欲也。而晏子乃曰。當年不能究其禮。晏子而愚人也。汙不至此。意晏子必能稱孔子。景公欲以季孟之間處之。而曰。吾老不能用。蓋

梁丘輩在側。陳氏爲政。其沮孔子必力矣。奈何以誣晏子也。

楊子雲言貌不能動時人。而讀其書者。千載如見。君子第恥過情之譽耳。何能勢諸名卿哉。觀子雲書中。殆有不能平者。其曰伏几襲裳而字仲尼。仲尼乎。羊質而見豺戰矣。蓋惡僞之亂真也。雖然。子雲旣自信矣。而當時亦有知之如桓君山者。何爲爲莽大夫也。蜀嚴沈冥。非其鄉人。

乎。或曰莽之無道也。彼以爲道未詘。詘其身焉。
噫。是爲之辭也。夫謂子雲而不能去。不可也。去
也。豈俟莽乎。莽之謀漢。豈一朝一夕乎。太玄擬易
而作者也。不知易惡用擬。吾未能知太玄也。而
知子雲之不能知易也。夫子雲旣不能爲嚴君
平矣。卽不幸爲龔君賓。朝聞道而夕可死。猶未
失也。邴曼容知時事日非。爲官不肯過六百石。
雖未及嚴氏。庶幾哲于保身矣。子雲之解嘲。自

鳴其位卑耳。不能爲曼容。惡能爲君平。不能爲君平。惡能爲君賓。夫此三子。皆子雲所不能也。而徒以法言能論語。太玄能易耶。是亦伏几襲裳。而字仲尼者也。

韓子曰。儒以文亂法。而俠以武犯禁。二者交譏。世士甚病其言。而子長何以稱也。夫儒俠可同日而論者乎。今夫倚法爲市。以賄成政。恣欲扞罔。游俠所醜者。固冒儒名。有以夫。韓子之譏之。

也。奚病焉。子長以感慨上書得罪。貧莫能贖。交游莫救。乃發憤爲游俠立傳。其歷舉賢聖之遭畱遇害者。而曰。緩急所時。有亦可悲矣。諛辭知其所蔽。君子之于言。無所苟也。洙泗之間。間闐者。有是聲乎。班氏評之得矣。

子曰。天生德于予。桓魋其如予何。又曰。天之未喪斯文也。匡人其如予何。聖人之知天也。夫孔子非恃術數之學。又非諉之無可奈何者。其所

以知之必有以也。聖而不可知之謂神。既聖且神矣。而有不知者乎。是以曰百世可知也。知其理也。數在其中矣。後世如張子房博浪之擊。鴻門之會。豈徒僥倖行險者。夫雖雖誤中。而足以震動天下豪傑之氣。起而亡秦。神奪之矣。鴻門羽也。增也。伯也。料之固審。可以會。不可以戰。蓋亦近于知天知人者哉。夫羽猶有度。故曰何以至此。而伯能扞莊。增之決無庸也。雖然。沛公

之閉關誤矣。子房不與知耶。其後彭城高會。於
法宜亡。大風解之。則天幸也。楚漢之際。漢屈羣
策。無遺慮矣。閉關小誤。彭城大誤。子房在行。何
以不諫也。豈非共安樂之難。非獨勾踐耶。項羽
方張。彭城豈安樂地。遽爾高會。故曰大誤。乃若
四皓之徵。赤松之遊。難以言矣。功成不退。自昔
危之。鴟夷之汎湖。子房之辟穀。其斯以爲哲也。
鹿入林中。虞將獲之。奚燔爲其出也。從而焚之。

是瞽之闇也。晉文燔林而求子推。必無是也。夫介子奉其母隱矣。使以燔死。則匹夫之諒無取焉耳。且如母何。晉文之殘。甚于紂矣。焉能霸。故曰燔林之事必無也。使其燔也。介子必不死也。寒食者謬耳。

漢之王巴蜀也。而不從家室。何以示羽無東意也。彭城去沛近矣。乃收美人置酒高會。太公與呂后求漢主而遇楚軍。爲天下不顧家。宜如是。

乎。爰及姜女。聿來胥宇。詩所以詠古今也。
漢之入彭城疾矣。其文告之辭。乃曰南浮江漢。
以下所以玩楚也。

聞人說長安好。則向西笑。然身未到長安。何由
知其好。今註杜詩者。不知其出處。何以知其工。
第知是杜詩。則極贊之耳。此何異聞長安而笑
者耶。

或問豫讓曰。讓者其游俠刺客之倫乎。不足尚。

也。知伯之無道樂所以亾。而以國士遇讓。讓苟能輔之以道。使不底于滅亾。斯稱國士矣。趙氏無所取罪。已并范中行。又欲并趙。且及韓魏三家者。合從而覆之。自其宜也。讓負國士之遇。而弗能救。雖死之猶溝壑耳。而以刺爲賢乎。襄子舍之賢矣。舍之而不能死。至于再。何無耻也。若讓者。所謂無四端之心。不足尙也。

聶政刺軻。孔子所謂暴虎馮河。死而無悔者也。

非可與圖國事者也。政之許嚴仲子者。其事成矣。忘其身。以及其姊。奚足道哉。軻也。卽能劫秦王。秦王能爲齊桓乎。夫曹沫可能也。齊桓之不肯盟。不可能也。秦之無道。于盟何有。恣怨助禍必矣。使能中秦王。遂能弱秦乎。聲罪報怨。師乃有名。旦夕易水耳。而謂秦之國無兵乎。鞠傳所云。西約南連。北購者。誠善。然天下將定于一方。假秦以驅除。天所命也。惡能違之。况又不能須。

史乎。燕丹之愚。不足與議。而鞠武田光荆卿。皆非恒人。何其慮之不遠也。其後博浪之錐。震動天下。陳項因之而起。秦之亾端。在此一擊。此與僥倖發憤匹夫之勇者殊科矣。

指佞之草。觸罪之竿。好事者志之以爲奇。知言者不信也。知人之哲。惟帝難之。明目達聰。詢事考言。若此其競競也。乃曰何畏乎。巧言令色。誠患之矣。使有是草。則唐虞君臣無事相儆。一草。

可以正百官。何急務親賢哉。臯陶之爲理也。無情者。不得盡其辭。刑措而不用。寧有僭濫而假一羊乎。吾聞犬吠堯矣。羊之智。將無異于犬。寧避豪賢。殆偶觸者有罪。遂傳之耳。頃南刑部有隸素害人。鹿觸之。腸出而斃。人以鹿爲有知也。是則羊之類也。嗟夫。世之下也。喜佞而惡直。曾不若草也。黨邪而害正。曾不若羊也。好事者是以志之。

韓延壽閉閣思過而郡治。嚴翊亦閉閣思過而郡亂。一明一昏。故事同而功異也。爲政者當隨其時。因其人。養苗者。必去其莠。若皆可舞于而格。則四凶之殛過矣。皆可彈琴而化。則兩觀之誅苛矣。天地之化。春生秋殺。皆所以養物也。故大德曰生。聖人之治。仁義並用。皆所以愛人也。故曰得天下以仁。

先主始有蜀而釀禁甚嚴。其養民之規摹見矣。

漢制三人無故羣飲有罪。惟賜脯耳。今律有酤酒之條。而飲鮮不酤。一飲之費。可十日飽。奈何勿禁。余自有識。見閭閻日貧。而酒肆日多。情游惡少。可無飯。不可無酒。難于止。酒易于爲盜矣。酒誥可不讀哉。

君山仙人酒。得飲不死。甘州仙人樹。饑卽食之。飽不得持去。此皆好事者志之耳。人可仙耳。酒與樹幻而能存耶。山中有仙人茶者。隨在有之。

咀之可以止渴。使好事者飾之。亦樹與酒之類矣。

人生四十九日而七魄全。其死四十九日而七魄散。是以有七七之說。蓋爲之說者也。生死者氣之聚散。不散不死。禮之有復也。孝子之情也。致其情而止矣。

嚴挺之寧不作相。不見李林甫。宜其有僕射也。子美寄命于人。而妄輕其父。其免幸矣。或曰。登

牀之語掛纓之事。皆誣也。觀其詩則始終全矣。其然歟。

禮不下庶人。謂酬酢之禮也。故有士相見禮而無庶人禮。夫田野之間。非無禮也。樸而無文。何有于郁郁乎。禮失而求諸野。言文之弊也。不如其野也。是庶人之禮也。乃所以明人倫者。上下同之。寧遺庶人哉。

五代史以爲勝于史記。固妄。而用修謂不足爲

司馬家奴。詆之爲欺天罔人。何甚也。抑亦三國志之亞乎。錢氏之重歛。五代史志之。而弘左復境內稅三年。通鑑記之。前後不相掩也。惟其蓄積十年。故可寬其民耳。用修乃謂挾私怨爲褒貶。何異魏收輩。母乃喜于指摘耶。

狐父之人之壺漿也。正萬章所謂禦者也。而列子曰。狐父之人則盜矣。而食非盜也。以人之盜。因謂食爲盜。而不敢食。是失名實者矣。夫列子

之析義未精矣。周之粟尚耻食之。邦無道不食其穀。志士之操也。而盜之食爲可食乎。列子嘗餓于鄭圃矣。而不受鄭子陽之粟。鄭君則所謂今之諸侯者也。君之粟則不受。盜之壺漿則謂可食。是悖也。然則爰旌目之事。非列子之書也。四豪惟魏公子賢耳。卽其停車爲抱關者步。從博徒賣漿者游。皆天下士也。其責公子趨駕歸魏。非儒者不能。豈戰國策士之流哉。孟嘗輩斯

下矣。

董仲舒與公孫弘書。願大開蕭相國求賢之路。始何勸漢王入蜀。固謂養其民以致賢人。而終以求賢相漢。其爲一代宗臣。宜在是矣。而史不能發。可謂識其大者乎。然其時未聞有大賢在朝。稱儒宗者。乃叔孫通耳。世寧無賢。殆求之非其道耶。其所習刀筆。固不足以知賢者耶。

嘗疑孔子作春秋。胡不使游夏傳之也。春秋天

子之事。知我罪我。有深義焉。故曰。吾志在春秋。
非游夏所能贊也。其言微而顯。又非可以露布
示人也。在人賢者識其大。以意逆志。協諸理而
已矣。左氏之失誣。非孔子之志也。孔子曰。辭達
而已矣。文莫吾猶人。游夏列文學之科。豈辭不
能工。而所著于論語者。則達焉耳。安所見奇與
葩也。左氏蓋文人也。非升洙泗之堂者也。且孔
子之志。孰從而得之。孔子曰。可與立。未可與權。

春秋者。聖人之權存焉。後世有可與權者。斯知
春秋矣。權者。純乎理者也。純乎理者。經也。故經
權非二物也。微子去。比干死。箕子奴。奴者。封于
朝鮮。去者。封于宋。其與死者異趨矣。孔子曰。殷
有三仁。伯夷之清。伊尹之任。柳下惠之和。道不
同矣。孟子曰。其仁一也。孔子與管仲之功。曰。如
其仁而小其器。南巢之放。牧野之誓。曰。順乎天
而應乎人。於衛必也正名。佛肸公山氏之召。欲

往見南子。皆所謂權也。故曰。予所不者。天厭之。
權者。純乎天者也。純乎天者。純乎理也。此之謂
經。綸。天下之大。經分之。合之。左之。右之。無不宜
之。故曰。經。綸。

方言。諺語。入唐入詩。今奉之若經典。乃六經字
輒謂頭巾。不亦乖事。

論文者曰。文猶日也。古今無二日也。而今日非
昨日。則常新矣。故意同則辭異。辭同則意異。是

以謝朝華而啟夕秀也。如詠妓詩用周郎事。一曰懸知曲不誤。無事畏周郎。一曰不應令曲誤。持此試周郎。一曰周郎不相顧。今日管絃調。一事也。而新意各出。擬議以成變化。文之用也。子路以行三軍自許。孔子弗與也。求也退。志于足民耳。未嘗言兵。及與齊戰而克。則曰軍旅之事。學之孔子。孔子嘗曰。軍旅之事。未之學也。又曰。我戰則克。而記者曰。子之所慎戰。夫惟慎故。

克豈以行行無悔其死者哉。

蘭亭敘昭明不選。殆非以天朗氣清四字。夫當
食不嘆。以哀樂有時。方一觴一詠。極耳目之娛。
而談彭殤。近于不倫矣。其文直寫所懷。而不事
藻飾。故爲佳也。

太白詩中好言仙。非能仙也。仙人殊恍惚。未若
醉中真。乃真語。

元亮勸農而讚田園不履。似非稼穡本義。且以

舜禹之耕稼。伊尹之於有莘。豈不學者耶。契爲
司徒。后稷播殖。豈不相爲謀者耶。夫勸農則耕。
勸學則讀。是以士爲士。農爲農也。方志于學而
請學稼。遲也鄙矣。若稼事方殷。而曰下帷不見
臧獲之亾羊者乎。

馮商稱張湯之先與畱侯同祖。其時相去未遠。
殆有徵也。班史以司馬氏未言而闕之。夫記事
者。以其有繫于世。何言司。且乎。是其家乘也。班

之識不及司馬哉。

漢世自董仲舒言陰陽事應。其儒者守師說之泥也。魏弱翁爲相。以天子四時所服爲要務。丙少卿不問殺人而問牛喘。以爲知大體。夫宰相所以調和陰陽者在德政。德政之不修。是問奚俟牛乎。天子之德如四時之錯行者。必有以也。昔魯公問西益宅不祥。孔子曰。政有不祥。西益宅不與焉。知宅之不與。則知服之不與矣。故夫

拘泥陰陽。漢儒之謬也。

郭子儀窮奢極欲。而史以爲美談。是不聞季文子之相魯乎。子儀者忠矣。而未仁歟。子文之忠。夫子不許其仁。有以哉。或者曰。子儀處危地者。也。天下以其身爲安危。天下安而身危。其自汗以求免乎。蓋蕭相國之請美田宅也。

書有不可盡信者。謂盡不信。則不可。達者亦以理析之耳。汲冢書稱桀放二十年乃死。湯禁民。

歌舞蓋以王禮喪之。此其足徵者也。乃諸子所
云武王斬紂之首。懸之而車裂之。其誣甚矣。
宋功烈之早。以議論多。而詩格之早。亦以議論
雖然。議論何可廢也。不曰好謀而成。執兩端而
用其中乎。杜子美詩集大成。卽議論何損風韻。
余謂宋詩所不能爲唐者。非專以議論故也。自
其風韻不稱耳。

項羽之不都關中。非獨念故鄉也。坑焚之慘。以

霍易霍自知民心不附。又惡負約。徒欲以三豎子塞漢使不能出。亦愚矣。彼亞父者。識曾不及樊噲。何望蕭張乎。夫噲猶能諫。增未聞有言也。或曰。增未必無言。史所畧也。夫不識天下之勢者。安可以一天下。舍關中而王彭城。苟審勢者。知其非策。宜以去就爭之矣。

杜子美志于夙雅哉。其稱人也不溢美。高岑鮑謝太白庾鮑。彼此無忤。可謂知言。曹劉不待薛

郎中爲薛璩耶。則若過猶可也。先生有文過屈
宋以許廣文。屈宋可更過者耶。吟詩許更過。推
讓前輩斯厚矣。宋公者信未易過也。

姚元之之智也。其料張說明矣。救時之相。定于
生前。千載以爲公論。何必求名于說。說未能軒
輊之也。其遺令云。周毀金像而修甲兵。齊崇塔
廟而弛刑政。一朝會戰。齊滅周興。此其言足以
傳矣。而何假于說之文也。惡在其智也。

杜子云語不驚人死不休。又曰得失寸心知。夫知者不驚。驚者不知。語必驚人。非其至也。雲薄翠微寺。孤村春水生。驚者鮮矣。韓子云。小好小慚。大好大慚。楊子雲亦俟之後世耳。

王丞相作女伎。蔡司徒謨不說而去。謝太傅暮功之。慘不廢絲竹。王右軍詒書規之。叔世非無正論也。風習之靡。秉釣者惡得不任其責。晉之不競。豈盡由胡耶。

士之聚徒而談。挾筴而遊者。孟子所謂妾婦哉。
成午之謂申不害曰。子以韓重我於趙。請以趙
重子於韓。一有兩韓。一有兩趙。已則利矣。寧憚
傾覆人之邦家耶。且其曰以之者。詎爲有道耶。
乃逢迎押闔以得之云爾。非妾婦何哉。髡徒者
曰。僧贊僧佛法興。蓋游士之術也。豈其歸空而
忘念也。

龍門子言秦人申生者之險也。始而餓于燕。旣

屢塵矣。或憐而薦之。驟至要津。卒乃啞其薦之者。不遺力焉。余幼而讀之。曰。龍門子其寓言歟。世惡有斯人歟。壯而遊四方。則數見其人焉。乃知龍門子非漫言也。雖然。勢衰而疎。利盡而絕。丁謂呂惠卿之流。自昔志之。乃余見之晚也。

石鼓文於詩體則雅也。升菴謂不當言文。特改爲石鼓詩。誤矣。詩固文之一體也。陸機文賦。劉勰文心。未嘗不論詩也。桀操箕子操。天乎天哉。

欲負石自投河。奈宗廟何。奈社稷何。此誠箕子之言也。文王操鳳凰來游以會昌。瞻天案圖殷將亾。是以鳳至自瑞而服事之志不純矣。文之至德其然耶。故知諸子之僞撰以私心窺聖人也。母氏聖善。我無令人。詩之可以怨也。臣罪當誅。天王聖明。韓退之得文王之志矣。

唐明皇聞空中神語。未必假神以欺天下。蓋奸黠道士有術以欺之而不悟耳。猶漢武之若聞

名詩 卷一 三
嗇呼也。若宋真宗之天書。則自欺欺人。無可解
矣。

張南本謂同能不如獨勝。藝士伎心。固不足論。
然本畫水去而畫火。賢於逢蒙矣。

張率爲賦頌。虞訥見而詆之。更爲詩示訥。託名
沈約。訥便句句嗟稱。人情輕所見。重所聞久矣。
子雲之解嘲。亦多事歟。悠悠者其言焉。足爲有

無。

阮嗣宗豎子之嘆。蓋謂操懿輩也。其辭隱其志
深矣。窮途之慟。其麥秀之悲乎。陶元亮之詠荆
軻。微而顯矣。故知高賢之意。不在酒也。逃于酒
也。

漢靈之無道也。裸遊館。何異桀紂哉。竹林劉阮
之風。蓋啟之矣。晉之士而賢也。則何必痛心于
靈也。

釋寶月竊柴廓詩。廓子欲訟之。厚賂之而止。然。

後世猶知有寶月耳。未知廓也。人固有幸不幸。奚以竊爲。又奚至訟。世之倩文者。比之律則滅矣。所謂竊鉤者誅。竊國者侯耶。

范蠡之去越。其智不可及也。何傷于忠。屈原之沉江。其忠不可及也。何論其過。

詩可以興。三百篇雖遠。後之作者。須存風雅之意。乃可名家。杜工部所以獨步詞場也。王子安春思賦。因狂夫之蕩子。成賤妾之倡家。是何語。

夫狂而妻可倡耶。賓王代女道士贈道士李榮。
汙翰墨矣。盧照隣亦有贈李榮詩。此可與遊者
哉。

种放之母。戒勿聚徒講學。曰。身旣隱矣。何用文。
爲。陳圖南亦曰。天地間無完名。名將有毀之者。
然則放非能忘名者也。放之母。其子推之母也。
自古明哲女人。過于士人者多矣。乃士之務實
勝者。何寥寥也。

張公超賓客造門。車馬填街。疾其如此。輒徙避之。呂徽之人。躡其踪。則已遷居。此可謂不徇名者也。彼以建旛而招者爲耻哉。

莊生言盜有道。直以文滑稽耳。盜之道。豈道耶。彼豈以盜爲有道耶。堯之是。跖之非。彼真不知耶。彼以玩世而世乃爲所玩。猶夢者語夢以夢爲覺。良可悲也。

龍城錄一娼女震死。云李林甫後身似非誣也。

世之震死。間有當其罪者。足以警俗矣。然不知其罪而歸之前生者。往往有之。余甚疑焉。夫賞不踰時。罰不避貴。王者所以治世也。曾謂聰明如帝。而有依違不斷者耶。林甫之可震。難以髮擢矣。何以俟其沒爲媚。而始震之耶。其自昔病國。嫉賢如林甫者。至不鮮。何未震一人。雖天網恢恢。不宜踈。若是也。巫咸安在。安得一問之。世多傳秦檜死而爲牛。天乎。胡不牛于十二金牌。

客語 卷一 四
未發時乎。又胡不牛于片紙未至獄中時乎。又胡不牛于虜地而令肆毒于南國乎。

陶長沙運甓有三義焉。習勞一也。養生二也。戒不虞三也。亂世軍旅之中。不盡以語人耳。不見韓魏公燈前客之事乎。

海水潮汐。解者不一。宇內潮泉。幾十處。或曰泉之潮。卽海之潮也。蓋地中水相通者也。黔筑靈泉則尤異。萬山疊嶂。泉自石罅出爲一泓。晝夜

消長。凡百次。好事者置石鼓以記之。亘古不易。
游者不測。以爲有機械焉。聞者笑之。此鼎硿間
安所置機械。卽置之。安能久而不毀耶。或曰。其
中有機。幾是也。非人之所爲也。非造物者之所
設也。渾沌之始。偶有值焉。其機倚伏恒久而不
已。有類于漢陰丈人之爲者。由人之爲。以知天
之爲。天之爲。偶然者也。偶然者不可知。不必知。
或以寰中爲一身。昆詔其首。此爲吭。非也。吭有

百刻之期乎。且昆詔何得爲寰中首也。





